

衢州文獻集成

〔子部〕

第
122
冊

衢州文獻集成

黃靈庚

諸葛慧艷

主編

〔子部〕

第
122
冊

國家圖書館出版社

(宋)江少虞撰

皇朝類苑五十五卷
(卷十三至三十四)


明抄本

第一二二冊目錄

皇朝類苑五十五卷（卷十三至三十四）

（宋）江少虞撰
明抄本

.....



皇朝類苑卷第十三

德量智識

向文簡

真宗皇帝時向文簡除右僕射麻下日李昌武為翰林學士當對上謂之曰朕自即位以來未嘗除僕射今日以命敏中此殊命也敏中應甚喜對曰臣今日早候對亦未知宣麻不知敏中何如上曰敏中門下今日賀客必多卿往觀之明日却封來勿言朕意也昌武侯丞相歸乃往見丞相方謝客門闌悄然無一人昌武與向親往入見之徐賀曰今日聞降麻

士大夫莫不歡慰朝野相慶公但唯唯又曰自上
即位未嘗除端揆此非常之命自非勲德隆重眷倚
殊越何以至此公復唯唯終不測其意又歷陳前世
為僕射者勲勞德業之盛禮命之重公亦唯唯卒無
一言既退復使人至庖厨中問今日有無親戚賓客
飲宴會集亦寂無一人明日再對上問那日見敏
中之意何如乃具以所見對上笑曰向敏中大耐
官職向文簡拜僕射年月未曾考於國史熙寧中因
見中書記天禧元年八月敏中加右僕射樞密院題
名記天禧元年二月王欽若加僕射

見筆談

呂文仲

呂文仲歎人為中丞有陰德咸平中鞠曹南獮民趙諫獄諫豪於財結士大夫根蒂特固忽御寶封軒裳姓名七十餘輩自中降出皆昔委諫營產買妾者悉令窮治文仲從容奏曰更請察其人密籍姓名候舉選對敝之日斥之未晚真宗從之

李及

章獻太后臨朝內侍省都知江德元權傾天下其弟德明奉使過杭州待之一如常時中人奉使者無所加益僚佐皆曰江使者之兄居中用事當今無比榮

若大臣反掌耳而使者精銳復不在人下明公待之
禮無加者意者明公雖不求福獨不畏其為禍乎及
曰及待江使者不敢慢過如是足矣又何加焉既而
德明謂及寮佐曰李公高年何不求一小郡以自處
而久居餘杭繁劇之地豈能辨邪僚佐走告及曰果
然使者之言甚可懼也反笑曰及老矣誠得小郡以
自逸庸何傷待之如前一無所加既而得明亦不能
傷也時人服其操守

桑湜

熙寧中王韶開熙州諸將以功遷官皇城使知原州

桑湜獨辭不受曰羗虜畏國威靈不戰而降臣何功而遷官執政曰衆人皆受獨君不受何也對曰衆人皆受必有功也湜自知無功故不受竟辭之時人重其知耻已上涑水紀聞

呂端

晉公言凡士大夫而居大位者先觀其器度寬厚則無不中矣昔趙普在中書呂端為叅政趙嘗覘其為事而多之曰吾嘗觀呂公奏事得聖上加賞未嘗喜遇聖上抑挫未嘗懼亦不形言真台輔之器也見晉公談錄

盧億

盧億字子元范陽人簡儉純素有古人風在洛陽聞其子多遜叅知政事家有賜金服玩漸侈億愀然不樂謂親友曰家世儒素一旦富貴吾未知稅駕之所矣范蜀公蒙求

潘承裕

潘承裕建安人有才識名重於州里王延政建國欲以為相承裕力諫有僭號不受偽署延政將殺之慮失人心囚於私第江南平建州甚礼重之以偽礼部侍郎判福建道凡一道之征租獄刑選舉人物皆取

決焉告老以尚書致仕歸洪州西山子慎脩亦為要
官臺城危入都為置宴使館懷信驛時後弟從鑑
先入貢亦留驛之每王師克捷外庭入賀卽使督金
帛之獻慎獨脩建議以國將亡而旅賀非禮但奉物
以待罪名斯可也太祖大喜謂使者有禮立遺易
供帳物加賜牢醴深嘆重之

馮起

馮起文炳有清節仕知起官獄舍圃田時侍御
史趙承嗣掌市征炳歷任憲府承嗣以官聯素重之
屢往見起之其質廡為出已俸百千市之起固辭不

受未幾承嗣以姦賊敗棄市由是名聞於是蘇易簡
在翰林夜召語此事太宗因此知起名後擢知制

誥

文已公談見楊

一 呂許公夷簡

明肅太后臨朝一日問宰相曰福州陳絳賍汚狼籍
卿等聞否王沂公對曰亦頗聞之太后曰既聞而不
劾何也沂公曰外方之事須本路監司發摘不然臺
諫有言中書方可施也今行事自中出萬一傳聞不
實即所損又天也太后曰速選有風力更事任一人

為福建路轉運使稟旨而退至中書沂公曰陳絳獨
吏也非王耿不足而擒之立命進耿呂許公俛首曰
王耿亦可惜也沂公不諭時耿為侍御史遂以為轉
運使耿拜命之次日有福建路衙拜于馬首云押進
奉荔枝到京耿偶問其道路山川風候而其校應對
詳明動合意旨耿遂訪絳所為校輒泣曰福州之人
以為終世不見天日也豈料端公賜問然某尤為絳
所苦者也遂條陳數十事皆不法之極耿公大喜遂
留校於行臺俾之幹事既知置詔獄事皆不實而校
遂首常納禁器于耿事聞太后大怒下耿吏獄具謫

耿淮南副使皆如許公之料也 澠水燕談

二

范文正公仲淹為叅知政事建言充立學校勸農桑
貴吏課以年任子等事頗與執政不合會有言邊鄙
未寧者文正乞自往經撫於是以前叅知事為河東陝
西安撫使時呂許公夷簡得謝居圃曰文正往候之
許公問曰何事遽出也范荅以暫往經撫商路事畢
即還矣許公曰叅政此行正蹈危機豈獲再入文正
未論其旨果使未還而以資政殿學士知邠州見東

軒筆錄

薛化光

太祖征河東絳州薛化光上言凡伐木先去枝葉後
取根柢今河東外有契丹之助內有人戶供輸切恐
歲月間未能下矣宜於太原北石嶺山及河北兩界
東山靜楊林樂平鎮黃譯關百井社合建城寨扼契
丹援兵越其部內人戶於西京襄鄧唐汝給閑田使
自耕絕其供饋如此不數年可平定矣其後來用其
策而下河東化光簡肅之父後贈中書令

薛長儒

薛長儒為漢州通判戎卒閉營門放火殺人謀殺知